

instans res tanta prouenit, vt illis ipse similis esse videatur, quos in his quandoque partibus Apostolorum primi electio ordinauit.] At mihi tantò probabilius videtur huius sententia, quòd ad Constantinum vsque, Thracia, quæ Europæ prouincia est, Occidentalis semper existimata sit; saltè quantum ad ordinem Ecclesiasticum. Imperium à Diocletiano Imperatore in Orientale & Occidentale prius diuisum fuisse, Orientalique, quod sibi & Maximino reseruauit Thraciam tributam non ignoro. At quid ad Ecclesiā hæc mutatio ciuilis ab ethnico Imperatore facta & quæ ad paucos annos viguit: maximè cum Thracia adhuc tempore Concilij Nicæni Romano Patriarchæ subijceretur, vt mox dicemus ex Gelasio Cyziceno? Sed alijs rationibus tam de Thracia, quam de cæteris Illyrici Orientalis diocæses probabo. Orbem vniuersum in Europam, Asiam & Africam distinxit antiquitas: singulisque illius partibus singulos Patriarchas Petrus cum Ecclesia præficiens, Europam Romano, Asiam Antiocheno, & Africam, quantum ad Ægyptum, Alexandrino subiecit. Cum autem Thracia, Illyricique Orientalis diocæses inter Europæ regiones censerentur, quis eas intra Romani Patriarchatus limites primis sæculis constituere dubitet? Ad id satis inuitant verba, quæ Gelasius Cyzicenus scribit in actis Synodi primæ Nicænæ^a de Alexandro Thessalonicensium Episcopo, ipsiusque nomine: [Alexander Thessalonicæ per eos qui sub ipsius potestate sunt, Ecclesijs Macedonia primæ & secundæ cum omni Græcia, totius etiam Europæ, vtriusque Scythiæ, omnibusque Illyrici, Thessaliæ, & Achaïæ Ecclesijs.] Quis enim non agnoscit hisce in verbis Thessalonicensium Episcopum tempore Concilij Nicæni, vtriusque Macedonia, Thessaliæ, Achaïæ, Scythiæ etiam vtriusque, totius Illyrici, necnon & Europæ, hoc est Thraciæ, Metropolitanam obtinuisse dignitatem: ac proinde, cum prouinciæ ipsi subiectæ omnes ab vno eodēque Patriarcha penderent, nec vnus idemque Metropolita prouincijs diuersorum Patriarchatum præficeretur, easdem prouincias, etiam Thraciam, intra Patriarchatus Romani limites fuisse? Argumentum illud sic clarius expono. Si Thracia, totiusque Illyrici diocæses vsque ad Constantinum Thessalonicensi Episcopo vt Metropolitano subijciebantur, etiam ad Romanum Patriarcham spectabant, cum diuersorum Patriarchatum Episcopi, eidem Metropoliti non parerent: At Thracia (quam per Europam significari etiam scioli non ignorant) totiusque Illyrici prouinciæ Thessalonicensi Episcopo tanquam Metropoliti subiectæ fuerunt vsque ad Constantinum, imò etiam tempore Concilij Nicæni, vt patet ex prædictis verbis Gelasij Cyziceni. Vnde necessariò dicendum est Thraciam, Illyricique prouincias, vsque ad Constantinum Conciliumque Nicænum, Patriarchæ Romano fuisse subiectas.

De Dacia tamen, Macedonia, Achaia, cæterisque Illyrici prouincijs longè minor est dubitatio, quàm de Thracia, cum adhuc sub Constantini magni liberis Occidētales æstimatæ sint. [Græci, inquit^b Sozomenus, Macedones & Illyrici, qui versus Occidentem suarum rerum domicilia habebant, Constantini opera, qui illi Imperij Romani parti præfuit, liberè & animo securo Deum coluerunt.] Id certo certius ex hoc confirmatur, quod Occidentalis Ecclesia, vt iam dixi ex Socrate, ab Ecclesia quæ erat in Oriente, diuisa fuerit, monte inter Illyricum & Thraciam interiecto, qui Tifucis dice-

ἐν ποτε διελθὼν
ἀπὸ τοῦ ἱεροῦ
ἐπισκοπῶν τὰς χερ-
σὶ τῇ ἡμετέρας κα-
τὰ τὴν χειροτονί-
αν.

^a Gelasius Cyzicenus
lib. 2. cap. 27. act.
Concil. Nicæ.

Ἀλέξανδρος Θεσσαλονίκης διὰ τὸ ὡς αὐτὸν πλουσιώτατον καὶ Μακεδονίαν πρῶτον καὶ δευτέραν, καὶ τὴν Ἑλλάδα, καὶ τὴν Εὐρώπην πᾶσαν Σκυθίαν ἐκατέραν, καὶ τὰς κατὰ τὸ Ἰλλυρικὸν ἀπασίας Θεσσαλίας τε καὶ Ἀχαΐαν.

XVI.

DACIA ET MACEDONIA EX ROMANO PATRIARCHATU.

^b Sozom. hist. Eccl. lib. 1. cap. 2.

Οἱ δὲ ἀπὸ τῶν Ἑλλήνων τε καὶ Μακεδόνων καὶ Ἰλλυριῶν ἀπὸ τῶν ἐκ τῆς κατὰ τὸν ὄρειον καὶ τῆς Παλαιᾶς.